

弥勒下生经  
弥勒来时经

弥勒下生成佛经  
观弥勒菩萨下生经

百五十七  
豈四


48352

元祿九年丙子二月日重修

皇圖聖圖 帝潛銀呂

佛日增輝 懋輪常轉

山城州天安寺法金剛院置



四經同卷

佛說彌勒下生經

佛說彌勒來時經

觀彌勒菩薩下生經

佛說彌勒下生成佛經

佛說彌勒下生經

姚秦羅什譯

大智舍利弗能隨佛轉法輪佛法之大



愍衆生故白佛言世尊如前後經中說彌勒

當下作佛願欲廣聞彌勒功德神力國土莊

嚴之事衆生以何施何戒何慧得見彌勒亦

時佛告舍利弗我今廣為汝說當一心聽會

豈



利弗四大海水以漸減少三千由旬是時閻  
浮提地長十千由旬廣八千由旬平坦如鏡  
名華軟草遍覆其地種種樹木華菓茂盛其  
樹悉皆高三十里城邑次比雞飛相及人壽八  
萬四千歲智慧威德色力具足安隱快樂唯有  
三病一者便利二者飲食三者衰老女人年  
五百歲爾乃行嫁

是時有一大城名翅頭末長十二由旬廣七  
由旬端嚴殊妙莊飾清淨福德之人充滿其  
中以福德人故豐樂安隱其城七寶上有樓  
閣戶牖軒窓皆是衆寶真珠羅網彌覆其上  
街巷道陌廣十二里掃灑清淨有大力龍王

名曰多羅尸棄其池近城龍王宮殿在此池中常於夜半降微細雨用淹塵土其地潤澤譬如油塗行人往來無有全塵時世人民福德所致巷陌處處有明珠柱皆高十里其光照曜晝夜無異燈燭之明不復爲用城邑舍宅及諸里巷乃至無有細微土塊純以金沙

覆地處處皆有金銀之聚有大夜叉神名跋

陀波羅餘塞迦

秦言善教

常護此城掃除清淨若

有便利不淨地裂受之受尸還合人命將終自然行詣冢間而死時出安樂無有怨賊劫竊之患城邑聚落無閉門者亦無衰惱水火刀兵及諸飢饉毒害之難人常慈心恭敬和

順調伏諸根言語謙遜

舍利弗我今爲汝粗略說彼國界城邑富樂  
之事其諸園林池泉之中自然而有八功德  
水青紅赤白雜色蓮華遍覆其上其池四邊  
四寶階道衆鳥和集鳧雁鴛鴦孔雀翡翠鸚  
鵡舍利鳩那羅耆婆耆婆等諸妙音鳥常在  
其中復有異類妙音之鳥不可稱數菓樹香  
樹充滿國內  
余時閻浮提中常有好香譬如香山流水美  
好味甘除患雨澤隨時穀稼滋茂不生草穢  
一種七穫用功甚少所收甚多食之香美氣  
力充實其國余時有轉輪王名曰僊佉有四

種兵不以威武治四天下其王千子勇健多  
力能破怨敵王有七寶金輪寶象寶馬寶珠  
寶女寶主藏寶主兵寶又其國土有七寶臺  
舉高千丈千頭千輪廣六十丈又有四大藏  
一一大藏各有四億小藏圍遶伊勒鉢大藏  
在軋陀羅國般軸迦大藏在彌提羅國賓伽  
羅大藏在須羅吒國儂佉大藏在波羅柰國  
此四大藏縱廣千由旬滿中珍寶各有四億  
小藏附之有四大龍各自守護此四大藏及  
諸小藏自然踊出形如蓮華無央數人皆共  
往觀是時衆寶無守護者衆人見之心不貪  
著棄之於地猶如瓦石草木土塊時人見者

皆生獸心而作是念往昔衆生爲此寶故共  
相殘害更相偷劫欺誑妄語令生死罪緣展  
轉增長翅頭末城衆寶羅網彌覆其上寶鈴  
莊嚴微風吹動其聲和雅如扣鍾磬其城中  
有大婆羅門主名曰妙梵婆羅門女名曰梵  
摩波提弥勒託生以爲父母身紫金色三十  
二相衆生視之無有獸足身力無量不可思  
議光明照耀無所障闕日月火珠都不復現  
身長千赤脅廣三十丈面長十二丈四赤身  
體具足端正無比成就相好如鑄金像肉眼  
清淨見十由旬常光四照面百由旬日月火  
珠光不復現但有佛光殊妙第一弥勒菩薩



觀世五欲致患甚多衆生沉沒在大生死甚  
可憐愍自以如是正念觀故不樂在家時僂  
佉王共諸大臣持此寶臺奉上弥勒弥勒受  
已施諸娑羅門娑羅門受已即便毀壞各共  
分之弥勒菩薩見此妙臺須臾無常知一切  
法皆亦摩滅修無常想出家學道坐於龍華  
菩提樹下樹莖枝葉高五十里即以出家日  
得阿耨多羅三藐三菩提

尔時諸天龍神王不現其身而雨華香供養  
於佛三千大千世界皆大震動佛身出光照  
無量國應可度者皆得見佛尔時人民各作  
是念雖復千萬億歲受五欲樂不能得免三

惡道苦妻子財產所不能救世間無常命難  
久保我等今者宜於佛法修行梵行作是念  
已出家學道時僮佉王亦共八萬四千大臣  
恭敬圍遶出家學道復有八萬四千諸婆羅  
門聰明大智於佛法中亦共出家復有長者  
名須達那今須達長者是是人亦與八萬四  
千人俱共出家復有梨師達多富蘭那兄弟  
亦與八萬四千人出家復有二大臣一名栴  
檀二名須曼王所愛重亦與八萬四千人俱  
於佛法中出家僮佉王寶女名舍弥婆帝今  
之毗舍佉是也亦與八萬四千妹女俱共出  
家僮佉王太子名曰天色今提婆那是亦與

八萬四千人俱共出家弥勒佛親族婆羅門  
子名須摩提利根智慧今鬱多羅是亦與八萬  
四千人俱於佛法中出家如是等無量千萬億  
衆見世苦惱皆於弥勒佛法中出家

尔時弥勒佛見諸大衆作是念言今諸人等  
不以生天樂故亦復不爲今世樂故來至我  
所但爲涅槃繫常樂因緣是諸人等皆於法中  
種諸善根釋迦牟尼佛遣來付我是故今者  
皆至我所我今受之是諸人等或以讀誦分  
別決定修妬路毗尼阿毗曇藏修諸功德來  
至我所或以衣食施人持戒智慧修此功德  
來至我所或以幡盖華香供養於佛修此功

德來至我所或以布施持齋修習慈心行此  
功德來至我所或為苦惱衆生令其得樂修  
此功德來至我所或以持戒忍辱修清淨慈  
以此功德來至我所或以施僧常食齋講設  
會供養飯食修此功德來至我所或以持戒  
多聞修行禪定無漏智慧以此功德來至我  
所或有起塔供養舍利以此功德來至我所  
善哉釋迦牟尼佛能善教化如是等百千萬  
億衆生令至我所弥勒佛如是三稱讚釋迦  
牟尼佛然後說法而作是言汝等衆生能為  
難事於彼惡世貪欲瞋恚愚癡迷惑短命人  
中能修持戒作諸功德甚為希有尔時衆生

不識父母沙門婆羅門不知道法牙相惱害  
近刀兵劫深著五欲嫉妬諂曲佞濁邪偽無  
憐愍心更相殺害食肉飲血汝等而能於中  
修行善事是為希有善哉釋迦牟尼佛以大  
悲心能於苦惱衆生之中說誠實語示我當  
來度脫汝等如是之師甚為難遇深心憐愍

惡世衆生救拔苦惱令得安隱

釋迦牟尼佛為汝等故以頭布施割截耳鼻  
手足支體受諸苦惱以利汝等彌勒佛如是  
開導安慰無量衆生令其歡喜然後說法福  
德之人充滿其中恭敬信受渴仰大師各欲  
聞法皆作是念五欲不淨衆苦之本又能除

捨憂感愁惱知苦樂法皆是無常彌勒佛觀  
察時會大眾心淨調柔為說四諦聞者同時  
得涅槃道

尔時彌勒佛於華林園其園縱廣一百由旬  
大眾滿中初會說法九十六億人得阿羅漢  
第二大會說法九十四億人得阿羅漢第三  
大會說法九十二億人得阿羅漢彌勒佛既  
轉法輪度天人已將諸弟子入城乞食無量  
淨居天眾恭敬從佛入翅頭末城當入城時  
現種種神力無量變現釋提桓因與欲界諸  
天梵天王與色界諸天作百千伎樂歌詠佛  
德雨諸天華栴檀末香供養於佛街巷道陌

豎諸幡蓋燒衆名香其烟若雲世尊入城時  
大梵天王釋提桓因合掌恭敬以偈讚曰

正遍知者兩足尊

天人世間無與等

十力世尊甚希有

無上最勝良福田

其供養者生天上

誓首無比大精進

尔時天人羅刹等見大力魔佛降伏之千万

億無量衆生皆大歡喜合掌唱言甚為希有  
甚為希有如來神力功德具足不可思議是  
時天人以種種雜色蓮華及曼陀羅華散佛前  
地積至于膝諸天空中作百千伎樂歌歎佛  
德尔時魔王於初夜後夜覺諸人民作如是  
言汝等既得人身值遇好時不應竟夜睡眠

覆心汝等若立若坐當勤精進正念諦觀五  
陰無常苦空無我汝等勿為放逸不行佛教  
若起惡業後必致悔時街巷男女皆効此語  
言汝等勿為放逸不行佛教若起惡業後必  
有悔當勤方便精進求道莫失法利而徒生  
徒死也如是大師拔苦惱者甚為難遇堅固  
精進當得常樂涅槃

介時弥勒佛諸弟子普皆端正威儀具足狀  
生老病死多聞廣學守護法藏行於禪定得  
離諸欲如鳥出殼介時弥勒佛欲往長老大  
迦葉所即與四衆俱就耆闍崛山於山頂上  
見大迦葉時男女大衆心皆驚恠弥勒佛讚



言大迦葉比丘是釋迦牟尼佛大弟子釋迦  
牟尼佛於大眾中常所讚歎頭陀第一通達  
禪定解脫三昧是人雖有神力而無高心能  
令眾生得大歡喜常愍下賤貧惱眾生救拔  
苦惱令得安隱弥勒佛讚大迦葉骨身言善  
哉大神德釋師子大弟子大迦葉於彼惡世  
能修其心

尔時人眾見大迦葉為弥勒佛所讚百千億  
人因是事已厭世得道是諸人等念釋迦牟  
尼佛於惡世中教化無量眾生令得具六神  
通成阿羅漢尔時說法之處廣八十由旬長  
百由旬其中人眾若坐若立若近若遠各各

自見佛在其前獨爲說法彌勒佛住世六萬  
歲憐愍衆生令得法眼滅度之後法住於世  
亦六萬歲汝等宜應精進發清淨心起諸善  
業得見世間燈明彌勒佛身必無疑也佛說  
是經已舍利弗等歡喜受持

彌勒下生經

佛說彌勒來時經

失譯

舍利弗者是佛第一弟子以慈心念天下往  
到佛所前長跪叉手問言佛常言佛去後當

有彌勒來願欲從佛聞之佛言彌勒佛欲來  
出時間浮利內地山樹草木皆焦盡於今間  
浮利地周帀六十萬里彌勒出時間浮利地  
東西長四十萬里南北廣三十二萬里地皆  
當生五種菓蔬四海內無山陵嶮峪地平如  
掌樹木皆長大當是時人民少貪婬瞋恚愚  
癡者人民衆多聚落家居鷄鳴展轉相聞人  
民皆壽八萬四千歲女人五百歲乃行嫁人  
民無病痛者都盧天下人有三病一者意欲  
有所得二者飢渴三者年老人民面目皆桃  
華色人民皆敬重有城名雞頭末雞頭末城  
者當王國治城周帀四百八十里以上築城

復以板著城復以金銀瑠璃水精珍寶著城  
四面各十二門門皆刻鏤復以金銀瑠璃水  
精珍寶著之國王名僧羅四海內皆屬僧羅  
行即飛行所可行處人民鬼神皆傾側城有  
四寶一者金有龍守之龍名倪搔鋒王護金  
龍所止地名捷陀二者銀無國中復有守龍  
名播頭三者明月珠所生地處名須漸守珍  
龍名賓竭四者瑠璃所生城名汜羅那夷有  
一婆羅門名須凡當爲弥勒作父弥勒母名  
摩訶越題弥勒當爲作子弥勒者種當作婆  
羅門身有三十二相八十種好身長十六丈  
弥勒生墮城地目徹視萬里內頭中日光照

四千里弥勒得道爲佛時於龍華樹下坐樹  
高四十里廣亦四十里弥勒得佛時有八萬  
四千婆羅門皆往到弥勒所師事之則棄家  
作沙門弥勒到樹下坐用四月八日明星出  
時得佛道國王僧羅闍弥勒得佛則將八十  
四王皆棄國捐王以國付太子共到弥勒佛  
所皆除鬚髮爲沙門復有千八百婆羅門皆  
到弥勒佛所作沙門弥勒父母亦在其中復  
有聖婆羅門千八十四人皆復到弥勒佛所  
作沙門國有大豪賢者名須檀人呼須達復  
呼人民以黃金持與弥勒佛及諸沙門名聲  
日布方遠須達復將賢善人萬四千人到弥

勒佛所作沙門復有兄弟二人兄名鼓達弟  
名扶蘭兄弟皆言我曹何爲任是世間寧可  
俱到佛所求作沙門耶兄弟皆言我善便到  
彌勒佛所作沙門復有小女人輩八萬四千  
人身皆著好衣白珠金銀瓔珞俱到彌勒佛  
所皆脫著身珍寶以著地白佛言我曹欲持  
是上佛及諸沙門我欲從佛作比丘尼佛即  
令作比丘尼彌勒佛坐爲諸比丘僧比丘尼皆  
無不是釋迦文佛時誦經者慈心者布施者不  
瞋恚者作佛圖寺者持佛骨著塔中者燒香  
者然燈者懸繒者散華者讀經者是諸比丘  
尼皆釋迦文佛時人持戒者至誠者於今皆

來會是聞諸比丘所說經處處者皆於龍華  
樹下得道弥勒佛初一會說經時有九十六  
億人皆得阿羅漢道第二會說經時有九十  
四億比丘皆得阿羅漢第三會說經九十二  
億沙門皆得阿羅漢舉天上諸天皆當持華  
散弥勒身上弥勒佛當將諸阿羅漢至雞頭  
末王所治城王皆內宮中飯食舉城皆明夜  
時如晝日弥勒於宮中坐說經言善不可不  
作道不可不學經不可不讀佛說經已諸比  
丘及王百官皆當奉行佛經戒皆得度世佛  
說如是弥勒佛却後六十億殘六十萬歲當  
來下



佛說彌勒來時經



觀彌勒菩薩下生經

西晉月氏三藏竺法護譯

聞如是一時佛在舍衛國祇樹給孤獨園與  
大比丘衆千五百人俱爾時阿難偏袒右臂  
右膝著地白世尊言如來玄鑒無事不察當  
來過去現在三世皆悉明了過去諸佛姓字  
名号弟子菩薩翼從多少皆悉知之一劫百  
劫若無數劫皆悉觀察亦復知國王大臣人  
民姓字悉能分別如今現在國界若干亦復

明了將來久遠彌勒出現至真等正覺欲聞其  
變弟子翼從佛境豐樂爲經幾時佛告阿難  
汝還就坐聽我所說彌勒出現國土豐樂弟  
子多少善思念之執在心懷是時阿難從佛  
受教即還就坐

爾時世尊告阿難曰將來久遠於此國界當  
有城郭名曰雞頭東西十二由旬南北七由  
旬土地豐熟人民熾盛街巷成行爾時城中  
有龍王名曰水光夜雨香澤晝則清和是時  
雞頭城中有羅刹鬼名曰葉華所行順法不  
違正教每伺人民寢寐之後除去穢惡諸不淨  
者又以香汁而灑其地極爲香淨阿難當爾

之時閭浮提地東西南北十萬由旬諸山河  
石壁皆自消滅四大海水各據一方時閭浮  
地極爲平整如鏡清明舉閭浮地內穀食豐  
賤人民熾盛多諸珍寶諸村聚落雞鳴相接  
是時弊華果樹枯竭穢惡亦自消滅其餘甘  
美果樹香氣殊好者皆生于地尔時時氣和  
適四時順節人身之中無有百八之患貪欲  
瞋恚愚癡不大慙勤人心均平皆同一意相  
見歡悅善言相向言辭一類無有差別如彼  
鬻單越人而無有異是時閭浮地內人民大  
小皆同一響無有若干差別異也彼時男女  
之類意欲大小便時地自然開事訖之後地

復還合。介時閻浮地內自然生粳米亦無皮  
裏極為香美食無患苦。所謂金銀珍寶碑磔  
碼碯真珠琥珀各散在地無人省錄。是時人  
民手執此寶自相謂言昔者之人由此寶故  
更相傷害繫閉在獄受無數苦惱。如今此寶  
與瓦石同流無人守護。

介時法王出現名曰儀仗正法治化七寶成  
就。所謂七寶者金輪寶象寶馬寶珠寶玉女  
寶典兵寶守藏寶。是謂七寶鎮此閻浮地內  
不以刀仗自然靡伏。如今阿難四珍之藏。軋  
陀越國伊羅鉢寶藏多。諸珍寶異物不可稱  
計。第二彌提羅國般綢大藏亦多珍寶。第三

須賴吒大國有大寶藏亦多珍寶第四波羅  
捺國儀佉大寶藏亦多諸珍寶不可稱計此  
四大藏自然應現諸守藏人各來白王唯願  
大王以此寶藏之物惠施貧窮亦時儀佉大  
王得此寶已亦復不省錄之竟無財物之想  
時閻浮地內自然樹上生衣極細柔軟人取  
著之如今鬱單越人自然樹上生衣而無有  
異亦時彼王有大臣名曰修梵摩是王少小  
同好王甚愛敬又且顏貌端正不長不短不  
肥不瘦不白不黑不老不少是時修梵摩有妻  
名梵摩越玉女中最極殊妙如天帝妃口作  
優鉢羅華香身作栴檀香諸婦人八十四態

永無復有亦無疾病亂想之念尔時弥勒菩薩  
薩於兜率天觀察父母不老不少便降神下  
應從右脅生如我今日右脅生無異弥勒菩薩  
薩亦復如是兜率諸天各各唱令弥勒菩薩  
已降神生是時修梵摩即與子立字名曰弥  
勒弥勒菩薩有三十二相八十種好莊嚴其  
身身黃金色尔時人壽極長無有諸患皆壽  
八萬四千歲女人五百歲然後出適  
尔時弥勒在家未經幾時便當出家學道尔  
時去雞頭城不遠有道樹名曰龍華高一由旬  
廣五百步時弥勒菩薩坐彼樹下成無上道  
果當其夜半弥勒出家即其夜分成無上道

應時三千大千刹土六反震動地神各各而  
相告曰今彌勒已成佛道其聲轉至聞四天  
王宮彌勒已成佛道轉聞徹於三十三天炎  
摩天兜率陀天化樂天他化自在天乃至  
梵天彌勒已成佛道亦時魔王名曰大將以  
法治化間如來名音響之聲歡喜踊躍不能  
自勝七日七夜不眠不寐是時魔王將欲界  
無數人天至彌勒佛所恭敬禮拜彌勒聖尊  
與諸人天漸漸說法微妙之論所謂論者施  
論戒論生天之論欲不淨想出要爲妙亦時  
彌勒見諸人民已發心歡喜諸佛世尊常所  
說法苦集盡道與諸天人廣分別其義爾時



座上八萬四千天子諸塵垢盡得法眼淨尔時大將魔王告彼界人民之類曰汝等速出家所以然者弥勒今日已度彼岸亦當度汝等使至彼岸

尔時雞頭城中有一長者名曰善財聞魔王教令又聞佛音響將八万四千衆至弥勒佛所頭面禮足在一面坐尔時弥勒漸爲說法微妙之論所謂論者施論戒論生天之論欲不淨想出要爲妙尔時弥勒見諸人民心開意解如諸佛世尊常所說法苦集盡道爲諸天人廣分別其義尔時座上八萬四千人諸塵垢盡得法眼淨是時善財與八萬四千人

等即前白佛求索出家善修梵行盡成羅漢  
道果尔時弥勒初會八萬四千人得阿羅漢  
是時僊佉王聞弥勒已成佛道便往至佛所  
欲得聞法時弥勒佛與王說法初善中善後  
善義理深邃尔時大王復於異時立太子爲王  
賜剃頭師珍寶復以雜寶與諸梵志將八萬四  
千衆往至佛所求作沙門盡成道果得阿羅  
漢是時修梵摩大長者聞弥勒已成佛道將  
八萬四千梵志之衆往至佛所求作沙門得  
羅漢果唯修梵摩一人断三結使必盡苦際  
是時佛母梵摩越復將八萬四千姝女之衆  
往至佛所求作沙門尔時諸女盡得羅漢唯

有梵摩越一人斷三結使成須陀洹。爾時諸  
刹利婦聞彌勒如來出現世間，成等正覺，數  
千萬衆往至佛所，頭面禮足，在一面坐。各各  
生心求作沙門出家學道，或有越次取證，或  
有不取證者。爾時阿難其不越次取證者，盡  
是奉法之人，馱患一切世間不可樂想。爾時  
彌勒當說三乘教如我今也。弟子之中大迦  
葉者，行十二頭陀過去，諸佛所善修梵行。此  
人當佐彌勒佛勸化人民。

爾時迦葉去如來不遠，結跏趺坐，正身正意，  
繫念在前。爾時世尊告迦葉曰：吾今年已衰  
耗，向八十餘。然今如來有四大聲聞堪任遊

化智慧無盡衆德具足云何爲四所謂大迦  
葉比丘君屠鉢歎比丘賓頭盧比丘羅云比  
丘汝等四大聲聞要不般涅槃須吾法沒盡  
然後乃當般涅槃大迦葉亦不應般涅槃須  
待弥勒出現世間所以然者弥勒所化弟子  
盡是釋迦文佛弟子由我遺化得盡有漏摩  
竭國界毗提村中大迦葉於彼山中住又弥  
勒如來將無數千人前後圍繞往至此山中  
遂蒙佛恩諸鬼神當與開門使得見迦葉禪  
窟是時弥勒申右手指示迦葉告諸人民過  
去久遠釋迦文佛弟子名曰迦葉今日現在  
頭陀苦行最爲第一是時諸人見是事已歎

未曾有無數百千衆生諸塵垢盡得法眼淨  
或有衆生見迦葉身已此名爲最初之會九  
十六億人皆得阿羅漢斯等之人皆是我弟  
子所以然者悉由受我教訓之所致也亦由  
四事因緣惠施仁愛利人等利阿難亦時弥勒  
如來當取迦葉僧伽梨著之是時迦葉身體

奄然星散是時弥勒復取種種華香供養迦  
葉所以然者諸佛世尊有敬心於正法故弥  
勒亦由我所受正法化得成無上正真之道  
阿難當知弥勒佛第二會時有九十四億人  
皆得阿羅漢亦復是我遺教弟子行四事供  
養之所致也又弥勒第三之會九十二億人

得阿羅漢亦復是我遺教弟子。今時比丘姓  
号皆曰慈氏弟子。如我今日諸聲聞皆稱釋  
迦弟子。

今時彌勒爲諸弟子說法。汝等比丘當思惟  
無常之想、樂有苦想、計我無我想、實有空想、  
色變之想、青瘀之想、隆脹之想、食不消想、膿血  
想、一切世間不可樂想。所以然者。比丘當知  
此十想者皆是過去釋迦文佛爲汝等說。令  
得盡有漏心得解脫。若此衆中釋迦文佛弟  
子過去之時修於梵行來至我所。或於釋迦  
文佛所奉持其法來至我所。或復於釋迦文  
佛所供養三寶來至我所。或於釋迦文佛所

彈指之頃修於善本來至此間或於釋迦文  
佛所行四等心來至此者或於釋迦文佛所  
受持五戒三自歸法來至我所或於釋迦文  
佛所起立寺廟來至我所或於釋迦文佛所  
補治故寺來至我所或於釋迦文佛所受八  
關齋法來至我所或於釋迦文佛所香花供  
養來至此者或復於彼聞法悲泣墮淚來至  
我所或復於釋迦文佛所專心聽法來至我  
所或復盡形壽善持禁戒來至我所或復盡  
形壽善持梵行來至我所或復有書讀諷誦  
來至我所或復承事供養來至我所者尔時  
彌勒便說偈言

增益戒聞德

禪及思惟業

善修於梵行

而來至我所

勸施發歡心

修行心原本

意無若干想

皆來至我所

欲發平等心

承事於諸佛

飯食於聖衆

皆來至我所

所誦戒契經

善習與人說

然熾於法本

今來至我所

釋種善能化

供養諸舍利

承事法供養

今來至我所

若有書寫經

頒宣於素上

其有供養者

皆來至我所

繒綵及諸物

供養於塔等

自稱南無佛

皆來至我所

供養於現在

諸佛過去者

禪定正平等

亦無有增減

是故於佛法

承事於聖衆

專心事三寶

必至無爲處



阿難當知彌勒如來在彼衆中當說此偈。爾時彼衆中諸天人民思惟此十想十一姪人諸塵垢盡得法眼淨。彌勒如來千歲之中衆僧無有瑕穢。爾時恒以一偈已爲禁戒。口意不行惡。身亦無所犯。當除此三行速脫生死關。

過千歲後當有犯戒之人。遂復立戒。彌勒如來當壽八萬四千歲般涅槃後遺法當存八萬四千歲。所以然者。爾時衆生皆是利根。其有善男子善女人欲得見彌勒佛及三會聲聞衆及雞頭城及見僊佉王并四大藏珍寶者。欲食自然粳米者。并著自然衣裳。身壞命終。

生天上者彼善男子善女人當勤加精進無  
得懈怠亦當供養承事諸法師名華擣香種  
種供養無令有失如是阿難當作是學尔時  
阿難及諸大會聞佛所說歡喜奉行

佛說彌勒下生經

佛說彌勒下生成佛經

三藏法師義淨奉

制譯

如是我聞一時薄伽梵在王舍城鷲峯山上  
與大苾芻菩薩衆俱尔時大智舍利子法將  
中最哀愍世間從座而起偏袒右肩右膝著  
地合掌恭敬而白佛言世尊我今欲少諮問

願垂聽許佛告舍利子隨汝所問我當為說  
時舍利子即以伽他請世尊曰

大師所授記 當來佛下生 彼号為慈氏

如前後經說 唯願人中尊 伽他重分別

彼神通威德 我今樂欲聞 佛告舍利子

應至心諦聽 當來慈氏尊 為汝廣宣說

尔時大海水 以漸減三千 二百踰繕那

為顯輪王路 瞻部洲縱廣 有萬踰繕那

有情住其中 在處皆充滿 國土咸富盛

無罰無灾厄 彼諸男女等 皆由善業生

地無諸棘刺 唯生青輦草 履踐隨人足

喻若覩羅綿 自然出香稻 美味皆充足

諸樹生衣服

衆綵共莊嚴

樹高三拘舍

花菓常充實

彼時國中

皆壽八萬歲

無有諸疾苦

離惱常安樂

具相悉端嚴

色力皆圓滿

人患有三種

食衰老便利

女年五百歲

方乃作婚姻

諸有欲便利

地裂而容受

人命將終盡

自往詣屍林

城名妙幢相

輪王之所都

縱十二由旬

廣七由旬量

其中所居者

皆曾植妙因

此城有勝德

住者咸歡喜

樓臺并却敵

七寶之所成

閔鑰及門庭

種種寶嚴飾

遶堞諸隍灑

皆營以妙珍

名花悉充滿

巧鳥皆翔集

七行多羅樹

周帀而圍遶

衆寶以莊嚴

皆懸網鈴鐸

微風吹寶樹

演出衆妙聲

猶如奏八音

聞者生歡喜

處處有池沼

彌覆雜色花

園苑擢芳林

莊嚴此城郭

國中有聖主

其名曰餉佉

金輪王四洲

富盛多威力

其王福德業

勇健兼四兵

七寶皆成就

千子悉具足

四海咸清肅

無有戰兵戈

正法理群生

設化皆平等

王有四大藏

各在諸國中

四藏悉皆有

珍寶百萬億

羯陵伽國內

藏名冰竭羅

蜜絺羅國中

般逐迦大藏

伊羅鉢羅藏

安處捷陀國

婆羅痲斯境

藏名爲餉佉

此諸四伏藏

咸屬餉佉王

百福之所資

果報咸成就

輔國之大臣

婆羅門善淨

四明皆曉達

多聞為國師

博通諸雜論

善教有聞持

訓解及聲名

莫不咸究了

有女名淨妙

為大臣夫人

名稱相端嚴

見者皆歡悅

大丈夫慈氏

辭於知足天

來託彼夫人

作後身生處

既懷此大聖

滿足於十月

於是慈尊母

往趣妙花園

至彼妙園中

不坐亦不卧

徐立攀花樹

俄誕勝慈尊

尔時最勝尊

出母右脅已

如日出雲翳

普放大光明

不染觸胞胎

如蓮華出水

光流三界內

咸仰大慈輝

當尔降生時

千眼帝釋主

躬自擎菩薩

欣逢兩足尊

菩薩於此時

自然行七步

而於足履處

皆出寶蓮華

遍觀於十方

告諸天人衆

我此身最後

無生證涅槃

龍降清涼水

澡沐大悲身

天散殊妙花

虛空遍飄灑

諸天持白蓋

掩庇大慈尊

各主希有心

守護於菩薩

祿母擎菩薩

三十二相身

具足諸光明

捧持授於母

御者進雕輦

皆用寶莊嚴

母子昇其中

諸天共持與

千種妙音樂

引導而還宮

慈氏入都城

天華如雨落

慈尊誕降日

懷妊諸嫫女

並得身安隱

皆生智慧男

善淨慈尊父

觀子竒妙容



具三十二相

心生大歡喜

父依占察法

知子有二相

處俗作輪王

出家成正覺

菩薩既成立

慈愍諸群生

衆苦險難中

輪迴常不息

金色光明朗

聲如大梵音

目等青蓮葉

支體悉圓滿

身長八十肘

二十肘肩量

面廣肩量半

滿月相端嚴

菩薩明衆藝

善教受學者

請業童蒙等

八萬四千人

時彼餉佉主

建立七寶幢

幢高七十尋

廣有尋十六

寶幢造成已

王發大捨心

施與婆羅門

等設無遮會

其時諸梵志

數有一千人

得此妙寶幢

毀坼須臾頃

菩薩覩斯已

念世俗皆然

生死苦羈籠

思求於出離

祈誠寂滅道

棄俗而出家

生老病死中

救之令得出

慈尊興願曰

八萬四千人

俱生厭離心

並隨修梵行

於初發心夜

捨俗而出家

還於此夜中

而昇等覺地

時有菩提樹

号名曰龍花

高四踰繕那

蓊鬱而榮茂

枝條覆四面

蔭六拘盧舍

慈氏大悲尊

於下成正覺

於人中尊勝

具八梵音聲

說法度衆生

令離諸煩惱

苦及苦生處

一切皆除滅

能修八正道

登彼涅槃岸

爲諸清信者

說此四真諦

得聞此妙法

至誠而奉持

於妙花園中

諸衆如雲集

滿百由旬內

眷屬皆充滿

彼輪王餉佉

聞深妙法已

罄捨諸珍寶

祈心慕出家

不戀止宮闈

至求於出離

八萬四千眾

咸隨而出家

復八萬四千

婆羅門童子

聞王捨塵俗

亦來求出家

主藏臣長者

其名曰善財

并與千眷屬

亦來求出家

寶女毗舍佉

及餘諸從者

八萬四千眾

亦來求出家

復過百千數

善男善女等

聞佛宣妙法

亦來求出家

無上天人尊

大慈悲聖王

普觀眾心已

而演出要法

告眾汝應知

慈悲釋迦王

教汝修正道

來生我法中

或以香華鬘

幢幡蓋嚴飾

供養牟尼主

來生我法中

或鬱金沉水

香泥用塗拭

供養牟尼塔

來生我法中

或歸佛法僧

恭敬常親近

常修諸善行

來生我法中

或於佛法中

受持諸學處

善護無缺犯

來生我法中

或於四方僧

施衣服飲食

并奉妙醫藥

來生我法中

或於四齋辰

及在神通月

受持八支戒

來生我法中

或以三種通

神境記教授

化導聲聞衆

咸令煩惱除

初會爲說法

廣度諸聲聞

九十六億人

令出煩惱障

第二會說法

廣度諸聲聞

九十四億人

令渡無明海

第三會說法

廣度諸聲聞

九十二億人

令心善調伏

三轉法輪已

入天普純淨

將諸弟子眾

乞食入城中

既入妙幢城

衢巷皆嚴飾

為供養佛故

天雨曼陀華

四王及梵王

并餘諸天眾

香花鬘供養

輔翼大悲尊

大威德諸天

散以妙衣服

繽紛遍城邑

瞻仰大醫王

以妙寶香華

散纏諸衢街

履踐於其上

喻若觀羅綿

音樂及幢幡

夾路而行烈

人天帝釋眾

稱讚大慈尊

南謨天上尊

南謨士中勝

善哉薄伽梵

能哀愍世間

有大威德天

當作魔王眾

歸心合掌禮

讚仰於導師

梵王諸天眾

眷屬而圍遶

各以梵音聲

闡揚微妙法

於此世界中

多是阿羅漢

蠲除有漏業

永離煩惱苦

人天龍神等

乾闥阿修羅

羅刹及藥叉

皆歡喜供養

彼時諸大眾

斷障除疑惑

超越生死流

善修清淨行

彼時諸大眾

離著棄珍財

無我我所心

善修清淨行

彼時諸大眾

毀破貪愛網

圓滿靜慮心

善修清淨行

慈氏天人尊

哀愍有情類

期於六萬歲

說法度眾生

化滿百千億

今度煩惱海

有緣皆拯濟

方入涅槃城

慈氏大悲尊

入般涅槃後

正法住於世

亦滿六萬年

若於我法中

深心能信受

當來下生日

必奉大悲尊

若有聰慧者

聞說如是事

誰不起忻樂

願逢慈氏尊

若求解脫人

希遇龍花會

常供養三寶

當勤莫放逸

尔時世尊爲舍利子及諸大衆記說當來慈

氏事已復告舍利子若有善男子善女人聞

此法已受持讀誦爲他演說如說修行香華

供養書寫經卷是諸人等當來之世必得值

遇慈氏下生於三會中咸蒙救度尔時世尊說

此頌已舍利子及諸大衆歡喜信受頂戴奉行

佛說彌勒下生成佛經

豈

彌勒下生經

翅音施戶牖西下音尸棄下同弃字淹反衣廉

也去聲全蒲悶反土塊對下傾賒塞則下桑謙遜反債廉

上苦兼反反蘇困反反粗才古反鳧鴈上音分似翡翠

上扶味反反赤羽雀也獲携郭反儻佉上而羊反下丘

語珂貝也此死敵徒音冤下吒竹家反又扣

音擊口宵音凶妒路上丁路反梵語修曇徒含

諂佞下反奴殼苦角反皮也

彌勒來時經

菓瓜下郎果反嶧下上溪字同築音竹刻鏤

上音克下音陋倪搔鋒音上五禮反中音禮下名也播頭



个上必反 汜 羅 上芳梵反 捐王 上音緣

觀彌勒菩薩下生經

翼從 上余力反 正作翊 伺 相寺反 也 察也

寢寐 上七錦反 弊華 上毗反 粳米 上庚音也

態 他代反 脅 虛業反 媾 音釋 邃 雖醉反 衰

耗 上所危反 奄然 上遠也 瘵 於去反 瞳

脹 上疋降反 又疋江反 下知 孩 古哀反 淵

反烏懸 向反 腹滿之兒也

彌勒下生成佛經

苾芻 上頻必反 又步結反 下 踰 上羊朱反

梵語 踰 繕那 此方里 罰 音棘刺 下 粟

軟數 別譯云 由旬也 稻 音道 婚姻 上音昏 下音因 婦

字 踐 賤 下音 稻 音道 婚姻 上音昏 下音因 婦

却敵徒的反臺也鑰音藥門也堞上下音牒音牒城也隍

塹上音皇城也下也翔音祥不動飛而擢音濁出也

餉下上失向反兵戈下古羯反居謁緜反田知也瘡

斯上反誕音但醫羽反計澡沐上音早下飄灑

於背約小見掩庇至下必祿母廣上音八寸長一尺三

無輪姪而禁反肘反知杯毀坵上下香委反鬻

籠上居豈反下正作搯郎東反檻也菊鬱音上

翁又鳥孔反宮闈下于續紛上疋賓反一

盛兒也南謨下莫胡反無其義一也歸敬也闡

昌演反蠲俱懸反也拯蒸字上聲

南謨下莫胡反無其義一也歸敬也闡

昌演反蠲俱懸反也拯蒸字上聲

